



宋槧太平御覽



1 3
403
122



13
102



太平御覽卷第七百八十八

四夷部九

南蠻四

頓遜國

毗騫國

西趙蠻

羅刹國

邊斗四國

金利毗逝國

墮婆登國

哥羅舍分國

薄刺國

南史曰頓遜國在海崎上

崎音祈也

地方千里城去海十里

金剛寺文庫

新金圖書

此係明治八年八月八日
月八日
山田一
君田一
所購以贈

早稻田圖書

有五王並羈屬扶南頓遜人東界通交州諸賈人其西界接天竺安息徼外諸國往還交易其市東西交會日有萬餘人珍物寶貨無所不有

唐書曰頓遜國出霍香插枝便生葉如都梁以裛衣國有區撥等花十餘種冬夏不衰日載十車貨之其花燥更芬馥亦未爲粉以傅身焉

南州異物志曰典遜在扶南三千餘里本爲別國扶南先王范蔓有勇略討服之今屬扶南竺芝扶南記曰頓遜國屬扶南國王名崑崙國有天竺胡五百家兩佛圖天竺婆羅門千餘人頓遜敬奉其道嫁女與之故多不去唯讀天神經以香花自洗精進不捨晝夜疾困便發願鳥葬歌舞送之邑外有鳥啄食餘骨作灰罌盛沈海鳥若不食乃藍盛火葬者投火餘灰函盛埋之祭祠無年限又有酒樹似

安石榴取花與汁停甕中數日乃成酒美而醉人

毗騫國

南史曰毗騫國俗有室屋衣服噉粳米其人言語小異扶南國內不受賈客有往者殺而噉之是以商旅不敢至王常樓居不血食不事鬼神其子孫生死如常人唯王不死扶南王數使與書相報答常遺扶南王純金五千人食器形如圓盤又如瓦壺名爲多羅受五升又如椀者受一升竺芝扶南史紀曰毗騫國去扶南八千里在海中國王身長三丈頸長三尺自古以來不死知神聖未然之事亦有子孫子孫生死如常人唯此王不死耳號曰長頸王食器皆純金金如此閒之石無缺限也不聽妄取有偷者知則殺食之長頸王亦能作天竺書自道宿命所經與佛語相似作書可三千言皆道世事其國法有罪者共在王前食

之平常不噉人也

丹丹國

梁書曰丹丹國中大通二年其王遣使奉表送象牙及畫

塔二軀并獻火齊珠古貝雜香藥大同元年復遣使獻金

銀琉璃雜寶香藥等物

隋書曰丹丹國在多羅摩羅國西北振州東南

振州今延德郡朱雀

上同島王姓利利名尸陵伽理所可二萬餘家亦置州縣以

相統領王每晨夕二時臨朝其大臣八人號曰八座並以

婆羅朝為之其王每以香粉塗身冠通天冠掛雜寶瓔珞

身衣朝霞足履皮屨近則乘輿遠則馭象其攻伐則吹蠶

擊鼓兼有幡旗其刑盜賊無多少皆殺之土出金銀白檀

蘇方檳榔其穀唯稻畜有沙牛羖羊猪雞鵝鴨麀鹿鳥有

越鳥孔雀果蔬力果切有蒲桃石榴瓜瓠菱蓮菜有葱蒜蔓

菁

唐書曰東謝蠻其地在黔州之西數百里內南接守宮寮

西連夷子北至自蠻土宜五穀不以牛耕但為畚田每歲

一易俗無文字刻木為契散在山洞間依樹為層巢而居

汲流以飲皆自營生業無賦稅之事謂見貴人皆執鞭而

拜有功勞者以牛馬銅鼓賞之有犯罪者小事杖罰大事

殺之盜物倍還其贓婚姻之禮以牛酒為娉女歸夫家皆

母自送之女夫慙逃避經旬乃出讎衆則擊銅鼓吹大角

歌舞以為樂好帶刀劍未常捨離丈夫衣服有衫襖大口

袴以綿紬及布為之右肩上斜束皮帶裝以螺蚨虎豹猿

狖及犬羊之皮以為外飾坐皆蹲踞男女椎髻以緋束向

後垂下其首領謝元深既世為酋長其部落皆尊畏之謝

氏一族法不育女白云姓高不可下嫁故也貞觀三年元
深入朝冠烏熊皮冠若今之施頭以金銀絡額身披毛帔
韋皮行滕而著履中書侍郎顏師古奏昔周武時天下太
平遠國歸款周史乃集其事爲王會篇令萬國來朝至今
如此輩章服實可圖寫今請撰爲正會圖從之以其地爲
應州仍拜元深爲刺史隸黔州都督府
又曰南謝首領謝強與西謝隣共元深俱來朝見爲南壽
州刺史後改爲莊州貞觀十三年正月西南番大酋長蠻
州刺史資陽郡開國公宋鼎邛州刺史謝油音蠻州巴江
縣令宋萬傳牂州錄事參軍謝文經黔中經略招討觀察
使王礎奏前件刺史三年一度朝今年懇訴稱州接牂牁
同被聲教獨此排擯竊自慙恥謹遣隨牂牁刺史授官其
牂牁兩州戶口殷盛人力強大隣側諸蕃悉皆敬懼請比

兩州每三年一度朝賀仍依牂牁輪環差定并以才幹位
望爲衆推者充勅從之

西趙蠻

唐書曰西趙蠻在東謝之南其界東至夷子西至昆明南
至西洱河洱音山洞阻深莫知道里南北十八日行東西
二十三日行其風俗物產與東謝同首領趙氏世爲酋長
有戶萬餘貞觀三年遣使入朝二十一年以其地置明州
卽以首領趙磨爲刺史

南平蠻

唐書曰南平蠻北與涪州接部落四千餘戶男子左袒露
髮徒跣婦人橫布兩幅穿中而貫其首名爲通裙其人美
髮爲髻鬚垂於後以竹筒如筆長三四寸斜貫其耳貴者
亦有珠璫土多女少男爲婚之法女氏必先貨求男族貧

人無嫁資女多賣與富人為婢俗皆婦人執役其王姓朱氏號為劍荔王貞觀中遣使內附以其地隸渝州

羅刹國

隋書曰羅刹國在婆利之東其人極陋朱髮黑身獸牙鷹爪時與邑人作市輒以夜晝日則掩其面煬帝大業三年使常駿等使赤土國致羅刹國

投和國

隋書曰投和國在南海大州真獵之南自廣州西南水行百里至其國王姓投和羅名脯邪乞遙理所城覆屋以瓦並為閣而居屋壁皆以彩畫之城內皆王室城外人居可萬餘家王宿衛之七百餘人每臨朝則衣朝霞冠金耳挂金環頸挂金縷衣敘連切足履寶裝皮履官屬有朝請將軍總知國政又有參軍功曹主簿城局金威將軍贊理贊府

等官分理文武又有州及郡縣州有參軍郡有金威將軍縣有城局為其長官初至各選官僚助理政事刑扶賊盜多者死輕者穿耳及頰私鑄銀錢者截腕國無賦稅俱隨意貢奉無多少之限多以農商為業國人乘象及馬一國之中馬不過千疋又無鞍轡唯以繩穿頰為之節制音樂則吹蠡擊鼓死喪則祠祀哭泣又焚屍以鬻盛之沉於水中若父母之喪則截髮為孝其國市人所貿易皆用銀錢小如榆莢有佛道有學校文字與中夏不同訊其耆老云王無姓名齊枚摩王所坐塔圓似佛塔以金飾之門皆東開坐亦東向唐書曰貞觀中投和國遣使奉表以金函盛之又獻金楛反苦蓋金鎖寶帶犀象海物等數十品

附國

隋書曰附國者蜀郡西北二千餘里即漢之西南夷也有嘉良夷即其東部所居種姓自相率領土俗與附國同言語少殊不相統一其人無姓氏附國王字宜縉其國南北八百里東西千五百里無城柵近川谷傍山險俗好復讎故疊石而居以避其患高至十餘丈下至五六丈每級丈餘以木隔之基方三四步其上方二三步狀似浮圖於下級開小門從內上通夜必關閉以防賊盜國有二萬家號令自王出嘉良夷政令繫之酋師重罪者死輕者罰牛人皆輕捷便擊劍漆皮爲牟甲弓長六尺以竹爲弦妻其群母及其嫂兒弟死父兄亦納其妻好歌舞鼓簧吹長笛有死者無服制置屍高牀之上沐浴衣服被以牟甲覆以獸皮子孫不哭帶甲舞劍而呼云我父爲鬼所收我欲報冤殺鬼自餘親戚哭三聲而止婦人哭必以兩手掩面死家

殺牛親屬以猪酒相遺其飲噉而瘞之死後十日而大葬必集親賓殺馬動至數十疋立其祖父神而事之其俗以皮爲帽形圓如鉢或戴羃羅衣多毛毳皮裘剥牛腳皮爲靴頂繫鐵鎖手貫鐵釧王與酋帥金爲飾曾前懸一金花徑三寸其土高氣候涼多風少雨土宜小麥青稞山出金銀多白雉水有嘉魚長四尺而鱗細大業四年其王遣使素福等八人入朝明年又遣其弟子宜林率嘉良夷六十人朝貢欲獻良馬以路險不通請開山道脩職貢場帝以勞人不許嘉良有水關六七十丈附國有水關百餘丈並南流用皮爲舟而濟

邊斗四國

隋書曰邊斗國班一云都昆國都雅一作拘利國九雅比蒿國並扶南度金隣大灣南行三千里有此國其農作與金隣同

其人多白色都昆出好棧香藿香及硫黃其藿香樹生千歲根本甚大伐之四五年木皆朽敗唯中節堅貞芬香獨存取爲香

殊奈國

唐書曰貞觀二年殊奈國遣使貢方物殊奈者崑崙人也
在林邑南去交阯海行三月餘日俗習文字與婆羅門同
路絕遠古未常朝中國至是始通

甘堂國

唐書曰甘堂國在大海之南崑崙人也貞觀十年與未俱
婆國同日朝貢太宗謂侍臣曰南荒西域自遠而至其故
何也房玄齡對曰當中國人安帝德遠被也太宗曰誠如
公言向使中國不安何緣至朕何德以堪之

金利毗逝國

唐書曰金利毗逝國在京西南四萬餘里東去致物國二
千里西去赤土國一千五百里南去波利國二千里柳衢
國三千里其國有城邑庭舍衣朝霞白疊每食先泥上鋪
席而後座國王名本多楊牙前有隊仗甲鍪貝多樹皮其
風俗物產與真臘同

墮和羅國

唐書曰墮和羅國南與盤盤國北與迦邏舍佛東與真臘
接西隣大海去高州五月日行貞觀十三年其王遣使貢
方物二十三年又遣使獻象牙火珠請賜好馬詔許之

陀洹國

唐書曰陀洹國在林邑西南大海中東南與墮和羅接去
交阯三月餘行賓服於墮和羅其王姓察失利字婆那土
無蠶桑以白疊朝霞布爲衣俗皆樓居謂爲干欄貞觀十

八年遣使來朝二十一年又遣使獻白鸚鵡毛羽皓素頭
上有紅毛數十莖與翅齊及婆律膏仍請馬及銅鍾詔並
給之

墮婆登國

唐書曰墮婆登國在林邑南海行二月東與訶陵西與迷
黎車接北界大海風俗與訶陵同種稻每月一熟有文字
書於具多葉其死者口實以金又以金釧貫於四支然後
加以婆律膏及檀沉龍腦等香積薪以燔之貞觀中遣使
獻金花等物王之所居堅木爲城造大屋重閣覆以椶櫚
皮所坐床悉以象牙爲之亦以象牙爲席食以手掇之音
患又以椰樹花爲酒飲之亦醉有山穴海湧而出鹽國人
取食其國人有毒與常人同止宿即令身生瘡與之交會
便死若涎液露著草木即枯其人身死不臭不爛

多蔑國

唐書曰多蔑國貞觀時通焉在南海外國界周迴可一月
行南阻大海西俱遊國北波利刺國東真隨洹國戶口
極多置三十州不役屬他國有州郭宮殿樓櫓並用瓦木
以十二月爲歲其物產有金銀銅鐵象牙犀角朝霞朝雲
等布其俗交易用金銀朝霞等爲賈百姓二十而稅一五
穀菜蔬與中國不殊

多摩國

唐書曰多摩國長居國長居於海島東與婆鳳西與多隆
南與半支跋華言五山也北與訶陵等國接其國界東西
可一月行南北可二十五日行其王子先龍子也名骨利
骨利得大鳥卵剖之得一女子容色殊妙即以爲妻其王
尺羅劬備伊說即其後也顯慶中遣使貢獻其俗無姓王

居以柵爲城以板爲屋坐師子座東向衣物與林邑同勝
兵二萬人無馬有弓刀甲稍婚姻無同姓之別其食器銅
鐵金銀所食尚酥乳駱沙糖石蜜其家畜有羖羊水牛野
獸有麀鹿等死亡無喪紀之制以火焚其屍其音樂略同
天竺有波那婆宅護遮奄磨石榴等菓多甘蔗從其國經
薩盧都思訶盧林邑等國達於交州

哥羅舍分國

唐書曰哥羅舍分國在南海之南接墮和羅勝兵二萬人
其王蒲越伽摩顯慶五年遣使朝貢

杜薄國

唐書曰杜薄國在扶南東漲海中真渡海數十日至其人
色白皙皆有衣服國有稻田女子作白疊華布出金銀鐵
以金爲錢出雞舌香可含以香不入服雞舌其爲水也氣

辛而性厲禽獸不能至故未可識其樹者華熟自零隨水
而出方得之杜薄洲有十餘國城皆稱王

烏篤國

唐書曰烏篤國在中天竺南一名烏伏那地方五千餘里
百姓殷實人性懦弱頗詭詐尤工禁術篤信佛法文字禮
儀略同天竺自古不通中國貞觀中其王達摩因陁訶斯
遣使獻龍腦麝香等

薄刺洲

唐書曰薄刺洲隋時聞焉在拘利南海灣中其人色黑而
齒白眼正赤男女並無衣服一名勃梵洲

抱林子云勃梵洲在董綠水膠所出楓脂矣所以不可多
得者正患狃猴獸啖人狃音啜此獸大者重十斤狀如水
獺其頭身及他處了無毛唯從鼻上以黃脊至尾上有毛

南詔蠻

唐書曰南詔蠻本烏蠻之別種也姓蒙氏蠻謂王為詔自言哀牢之後代居蒙舍州為渠帥在漢永昌故郡東姚州之西其先渠帥有六自號大詔兵力相埒各有君長無統帥蜀時為諸葛亮所征皆臣服之

又曰南詔蠻國初時有蒙舍龍生迦獨迦獨生細奴邏高宗時來朝細奴邏生邏盛武后時來朝其妻方娠邏盛次姚州聞妻生子曰吾且有子死於唐地足矣子名盛邏皮邏盛至京師賜錦袍金帶歸國開元初邏盛死子盛邏皮立盛邏皮死子皮邏閣立

又曰南詔蠻皮邏閣嗣立三十六年詔授特進封越國公賜名曰歸義其後破洱阿蠻洱音而志切以功策授雲南王歸義漸強盛餘五詔浸弱先是劍南節度王昱受歸義賂奏

六詔合為一詔歸義既併五詔服羣蠻破吐蕃之衆兵日以驕大遂徙居大和城天寶四載歸義遣孫鳳迦異來朝授鴻臚卿歸國恩賜甚厚

又曰閣羅鳳襲封王無何鮮于仲通為劍南節度使張虔隨為雲南太守仲通褊急寡謀虔隨矯詐遇下不以禮舊事南詔嘗與其妻子謁見都督虔隨皆私之又有所徵求閣羅鳳多不應虔隨遣人罵辱之仍密奏其罪惡閣羅鳳忿怨因發兵反圍虔隨殺之後遣使謝罪仍與雲南錄事參軍姜如芝俱來請還其所虜掠且言吐蕃大兵壓境若不許當歸命吐蕃雲南之地非唐有也仲通不許因其使進軍逼大和城為南詔所敗自是閣羅鳳北臣吐蕃又曰閣羅鳳死其孫異牟尋為王牟尋頗知之書有才智善撫其衆吐蕃役賦南蠻重數又奪諸蠻險地城立城堡

歲徵兵以助鎮防牟尋益厭苦之有鄭回者本相州人天寶中授嵩州西瀘縣令雋州陷爲所虜閣羅鳳以回有儒學更名曰蠻利甚愛重之命教鳳迦異及異牟尋立以回爲清平官事皆咨之回嘗言於牟尋曰自昔南詔嘗款附中國中國尚禮義以惠養爲務無所求取今弃蕃歸唐無遠戍之勞利莫大焉牟尋善其言謀內附者十餘年矣會劍南西川節度使韋臯招撫諸蠻宜烏星虜望等歸化聞牟尋之意因諸蠻寓書於牟尋且招懷之牟尋乃斬吐蕃使去其所立帝號以歸我仍請復南詔舊名初吐蕃因爭北庭與迴鶻大戰死傷頗衆乃徵兵於牟尋須萬人牟尋欲因以襲之乃示寡弱謂吐蕃曰蠻軍素少僅可發三千人入蕃五千人戍吐蕃乃將數萬踵其後晝夜兼行乘其無備大破吐蕃於神川鐵橋遣使告捷帝乃命兼御史中

丞表滋持節冊南詔王仍賜金印曰貞元冊南詔印
又曰貞元十年南詔王遣使蒙湊羅棟來獻鐸槃浪人劍

驃國

唐書曰驃國在永昌故郡南二千餘里其國境東隣宜臘西接東天竺南盡溟海北通南詔些樂城界東北距陽苴咩城六千八百里往來通聘迦羅婆提等二十國役屬者道林王等九城食培土者羅君潛等二百九十八部落其王姓困沒長名摩羅惹其國相名摩訶思那其王近適則輿以金繩床遠適則乘象嬪妃甚衆常數百人其羅城構以磚發周一百六十里壕岸亦構磚相傳本是舍利佛城城內有居人數萬家佛寺百餘區其堂宇皆錯以金銀塗以丹彩施以紫鑛覆以錦罽其俗好生惡殺其土宜菽粟稻稌無麻麥其理無刑名桎梏之具犯罪者以竹五十本

東之復犯者撻其背數止五輕者止三殺人者戮之男女
十歲則落髮止寺舍依桑門至二十不悟佛理乃復髮爲
居人其衣服悉以白氎爲朝霞繞腰而已不衣繒帛云出
於蠶爲其傷生故也君臣父子長幼有序華言謂之驃自
謂突羅成闍婆人謂之徒里掘古未嘗通中國貞元中其
王聞南詔異牟尋歸附心慕之八年乃遣其弟悉利移因
南詔重譯來朝又獻其國樂凡十曲與樂工三十五人俱
樂曲皆演釋氏經論之詞意以悉利移爲試大僕卿
南夷志曰驃國在永昌南七十五日程閣羅鳳所通也其
國用銀錢以青磚爲圓城周行一日程百姓盡在城內有
十二所堂當國王所居門前有大象露坐高百餘尺白如
霜雪俗尚廉耻人壯和善少言重佛法城中並無宰殺又
多推步天文若有訴訟者王卽令焚香向大象思惟是非

便各引退或有災疫王亦焚香對象悔過自責男子多衣
白氎婦人當頂爲高髻以金銀眞珠爲飾餘着青婆裙又
披羅段行必持扇貴家婦女皆二人五人在傍持扇與波
斯及婆羅門接界西去舍利城六十日程疑此是東天竺
也

暴蠻等部落

南夷志曰竹子嶺東有暴蠻部落嶺西有盧鹿蠻部落又
有生蠻磨弥般部落此等部落皆東爨烏蠻也男則髻女
則散髮見人無禮節拜跪三譯乃與華通大部落則有大
鬼主百家二百家小部落亦有小鬼主一切信使鬼巫用
相服制土多牛馬無布帛男女悉被牛羊皮

南夷志曰勿鄧部落大鬼主夢衝地方千曰里功部一姓

白蠻五姓烏蠻烏蠻婦人以白黑縉爲衣白蠻婦人以白縉爲衣下不過膝
南夷志曰大賧周迴百餘里悉是野蠻無君長地有瘴毒河賧人至中瘴者十死八九閩羅鳳嘗遣使築城於彼管制野蠻不逾歲死者過半遂罷棄其土肥沃種瓠長丈餘冬瓜亦然皆三尺圍又多薏苡無農桑收此充糧三面皆是雪山其高造天

南瀘

南夷志曰瀘水蜀諸葛亮伐南蠻五月渡瀘處大如管川中氣候常熱雖方冬行過者皆袒衣流汗
南夷志曰量水川在滇池南兩日行漢舊黎州地川中有

天池其水東南流出一石竇中水流甚廣石竇甚狹蠻云此竇忽空則百姓憂溺

彌諾國

彌臣國

南夷志曰彌諾國彌臣國皆邊海國也呼其君長爲壽彌諾面赤而長彌臣面黑而短性恭謹每與人語向前一步一拜國無城郭彌諾王所居屋之中有一大柱雕刻爲文飾以金銀彌臣王以木柵爲局海際水中以石師子爲屋四足仍以板蓋悉用香木王出即乘象百姓皆樓居披婆羅籠男少女多俗好音樂樓兩頭置鼓飲酒即擊鼓男女攜手樓中蹈舞爲樂在永昌城西南六十日程

崑崙國

南夷志曰崑崙國王北去西洱河八十一程出象及青木香旃檀檳榔琉璃水精犀角等物蠻寇嘗攻之爲其決水

淹浸進退無計餓死萬餘不死者去其右腕後放迴

南夷志曰小婆羅門國在永昌北七十四日程俗不食牛肉預知身後事出具齒白蠟越諾共大耳國來往蠻夷善之信通其國

夜半國

南夷志曰夜半國在蒼望城東北隔麗水城川原其婦人唯與鬼通能知吉凶禍福本土君長崇信之蠻夷往往以金購之要知善惡

女王國

南夷志曰女王國去驩州十月程往往與驩州人交易蠻嘗伐之中其藥箭百不存

獨錦國

南夷志曰獨錦蠻者烏蠻之苗裔也在秦臧川去安寧兩日程其族多姓李異牟尋母即獨錦蠻女也有季負藍貞元中為大將軍在勃弄棟川為城使等

弄棟蠻

南夷志曰弄棟蠻則白蠻苗裔也本姚州弄棟縣部落其地舊為襄州嘗有首領誤殺司戶懼罪率眾北奔在摩磨些江側貞元中異牟尋破吐蕃城邑獲弄棟城遷於永昌之地

清蛉蠻

南夷志曰清蛉蠻亦白蠻苗裔也本清蛉縣部落天寶中嵩州初陷有首領尹氏父子相率南奔河賧閣羅鳳厚待之貞元中南詔清平官尹輔首皆其人也衣服言語與蒙舍略同

長禪國

南夷志曰長禪蠻本烏蠻之後部落在劍川屬浪詔其俗皆衣長禪曳地更無衣服唯披牛羊皮

施蠻

南夷志曰施蠻本烏蠻種族也鐵橋西北大施賧小施賧劍尋賧皆其所居之地男以縉布為縵襠袴婦人從頂橫分其髮當額及頂後各為一髻男女終身跣足披牛羊皮

磨些蠻

南夷志曰磨些蠻烏種也鐵橋上下及大婆小婆三婆探覽昆池等川皆其所居之地土多牛羊一家即有羊群終身不洗手面男女皆披羊皮俗好飲酒歌舞

撲子蠻

南夷志曰撲子蠻勇悍矯捷以青婆羅段為通身袴善用

泊其竹弓深林間射飛鼠發無不中部落首領謂之酋其土無食器以芭蕉葉藉之

尋傳蠻

南夷志曰尋傳蠻俗無絲綿布帛披婆羅籠跣足可以踐履捺棘持弓狹矢射豪猪牛食其肉取其兩牙雙插項傍為飾又條其皮以擊腰每戰鬪即以籠子籠頭如兜鍪狀

裸形蠻

南夷志曰裸形蠻在尋傳城西三百里為巢穴謂之野蠻閩羅鳳既定尋傳而野蠻散居山谷集戰即召之亦無君長女多男少無田農衣服唯有木皮以蔽形或十妻或五妻共養一丈夫盡日持弓下榻欄有外來侵害者則射之

苴望子蠻

南夷志曰苴望子蠻在蘭蒼江以西其人勇捷善於馬上

用槍所乘馬不用鞍跣足衣短甲纔蔽胷腹而已

望蠻

南夷志曰望蠻外喻部落在永昌北其人長大負排持槊前無強敵又能用木弓短箭傳毒藥中人立斃婦人跣足以青布為衣聯珂貝巴齒真珠斜絡其身有夫豎分髮為兩髻無夫者頂後為一髻垂之地宜沙牛角長四尺以來婦人嗜乳酪

黑齒

金齒

銀齒

繡脚

南夷志曰黑齒金齒銀齒繡脚四蠻並在永昌關南雜種類也黑齒以漆漆其齒金齒以金鏤片裹其齒銀齒以銀有事見人則以此為飾寢食則去之皆當頂上為一髻以青布為通身袴又斜披青布條繡脚蠻則於踝上腓下周匝刻為文彩衣以緋布

繡面蠻

南夷志曰繡面蠻生一月則以針刺面青黛塗之如繡狀

穿鼻蠻

南夷志曰穿鼻蠻在柘東以徑尺金環穿鼻中隔下垂過頤君長即以絲繩繫使人牽起乃行其次者花頭金釘兩枚從鼻兩邊穿令透下

長髯揀鋒

南夷志曰長髯揀鋒三蠻部落髯黑而長當額前為一長髯髯下過臍每行即以物撐起君長使兩女在前各持一物撐之今為南詔所摠

茫蠻

南夷志曰茫蠻部落並開南雜種也茫是其君之號亦呼茫詔從永昌城南先過唐封次鳳藍其次茫天連次茫吐

南夷志曰棠魔蠻去安南林西原十二程俗養牛馬長與漢人博易大中八年經略使苛暴人將鹽一斗博牛或馬一疋因茲隔絕不來

棠魔蠻

南夷志曰棠魔蠻去安南林西原十二程俗養牛馬長與漢人博易大中八年經略使苛暴人將鹽一斗博牛或馬一疋因茲隔絕不來

太平御覽卷第七百八十九

太平御覽卷第七百九十一

四夷部十一

南蠻六

結臂國	羽民國	謹兜國
厭火國	三苗國	載國 <small>載徒結功</small>
交脛國	不死國	支舌國
三首國	焦僂國	長臂國
三身國	一臂國	奇肱國
丈夫國	巫咸國	女子國
軒轅國	白民國	長股國
無脊國	一目國	和利國
深目國	無腸國	聶耳國
跂踵國	大人國	君子國

青丘國	黑齒國	支股國
毛民國	勞民國	氏人國
姑射國	岐國	沃國
反風國	林那國	無論國
句稚國	歌營國	加陳國
師漢國	扈利國	姑奴國
察牢國	類人	雕題國
狼臙國	<small>燕音</small> 瓮人	黃頭人
僭耳國	穿胷國	西屠國
金隣國	波遼國	屈都乾國
南波延州	究原國	奴後國
炎人國	黃孫	落頭民
鮫人	松外諸蠻	

結胷國

山海經曰結胷國其人結匈郭璞曰曰臙前朕出如人結喉也

山海經曰羽民國其人長頭身生羽一日其人長頰

外國圖曰羽民羽飛不能遠其人外產去九疑四萬里

山海經曰謹兜國其人人面有翼鳥喙謹兜堯臣有罪自放南海而死帝矜

之使其子居一日謹朱國

神異經曰南方荒中有人人手鳥足杖翼而行但食海中

魚雖有翼不足以飛倚為徑行勢也一名謹兜為人很惡姦疎不畏風雨

不忌禽獸有所觸犯死乃休耳

厭火國

山海經曰厭火國其人獸身黑色火出其口中似彌猴黑色也

列子曰中州以東三十萬里得焦僂國人長一尺五寸
山海經曰周僂國為人短小冠帶其人長三尺穴居一日
焦僂國在三首東

家語曰吳之客問孔子曰人之長極幾何對曰焦僂民長
三尺短之極也長者不過十之數之極也長者十短者三
外國圖曰焦僂民善沒游善捕鷺鳥其草木夏死而冬生
去九疑三萬里

又曰從啖水南曰焦僂其人長尺六寸一日迎風則偃背
風則伏不衣而野宿

山海經曰長臂國人長一尺五捕魚水中兩手各操一魚
或云其人手下垂至地海東有人嘗在海中得布
帽褶衣如中國衣西兩袖長三丈卽此長臂民衣

山海經曰三身國一首而三身

山海經曰一臂國文曰一臂不見夫其臂為
山海經曰一臂國在三身北一臂一目一鼻孔

山海經曰奇肱國其人一臂

拈地圖曰殷帝大戊使玉孟採藥於西王母至此絕糧食
木實衣木皮終身無妻而生二子從背閒出是爲丈夫民
去玉門二萬里

巫咸國

山海經曰巫咸國在女刃北右手操青蛇左手操赤蛇在
登葆山群巫所從上下也操葆往來
外國圖曰昔殷帝大戊使巫咸禱於山河巫咸居於此是

為巫咸民去南海萬千里

女子國

山海經曰女子國在巫咸北兩女子居水外周之有黃池洛出即懷孕矣生男三歲輒死周猶遠也

軒轅國

山海經曰軒轅國在窮山之際其不言壽者八百歲其國南邊也大經曰在女子北人面蚘身尾交首上不敢西躡岷山之南也畏軒轅之丘言勸畏黃帝威靈故不敢向西射也

白民國

山海經曰白民之國在龍魚北白身被髮其人體洞白也又曰白民之國帝俊生帝鴻帝鴻生白民博物志曰日南有野女群行不見夫其體晶明了白裸袒無衣

長股國

山海經曰長股之國在雄常北被髮國在赤水東長臂人類推之見此脚過三丈矣黃帝時至或曰長脚人常負長臂入海中捕魚

無脊國

山海經曰海水自東北陬至無脊國在長股東為人無脊脊肥腸也其人穴居食土無男女死即埋之其心不朽死百三十歲乃復更生也

一目國

山海經曰一目國一目中其面也

和利國

山海經曰和利國在一目東為人一手足反膝曲足居上反卷也一日留利之國人手反折

深目國

山海經曰深目國為人舉一手一目

無腸國

山海經曰無腸之國在深目東為人長而無腸

聶耳國

山海經曰聶耳國在無腸國東為人兩手聶其耳言耳長
持之聶居海水中縣居邑也

跂踵國

山海經曰跂踵國在拘纓東其人兩足皆大其人行脚跟不着地也

大人國

山海經曰大人國為人獸身人面犬耳珥兩青蛇以蛇貫耳也

君子國

山海經曰君子國人冠衣帶劍其人不爭也

青丘國

山海經曰青丘國其人食五穀衣絲帛其狐九尾

黑齒國

山海經曰黑齒國東夷傳曰倭國東四千餘里有裸國東有黑齒國舡行一年始可至也異物志云西屠涿齒亦以放此也

玄股國

山海經曰玄股之國髀皆似其人衣魚為衣食鷓鷯水鳥也

毛民國

山海經曰毛民國為人身生毛今去臨海郡東二千餘里毛人在大海中州島上為郡司鹽都尉戴達云在海邊得一無衣服晉永嘉四年吳都如此言語不通送詣丞相府未至道路死有一人在上賜婦生人女子出入市井漸曉人語自認其所在此毛民神異經曰八荒之中有毛人焉長七八尺皆人形身軀頭上皆毛毛如狝猴毛長尺人則臭君賜目開口吐舌上唇

覆面下唇覈匈臨海水

土物志曰毛人之洲乃在漲嶼身無衣服鑿地穴處雖云象人不知言語齊長五尺毛如熊豕衆輩相隨逐捕鳥鼠无五穀唯捕鳥鼠魚肉以為糧耳

勞民國

山海經曰勞民國為人黑食菓草實也或曰其民面目手足盡黑

氏人國

山海經曰氏人國抵音觸在建水西人面而魚身無足自以上人以下魚也

姑射國

山海經曰姑射國在海中

青域國

山海經曰有域山者有域民之國食桑射蜮是食蜮短狐也似蟹含沙射人中則病死此山出之也

沃國

山海經曰有沃之國言其土饒沃也沃民是處鳳凰鳥之郊是食甘露是飲故其欲其味皆存也

反風國

道書曰反風之國香逆風聞千里也

林郿國

竺芝扶南記曰林郿國蠻其延國未多日黎與毗騫同大

洲放二萬里法俗是同

南州異物志曰無論國有大道左右種桃枇杷及諸花果白日行其下陰涼蔽熱十餘里一亭皆有井水食麥飯飲

蒲桃酒如膠若欲飲以水和之其味甘美

南州異物志曰句稚國

南州異物志曰句稚去典遊八百里有江口西南向東北行極大崎頭出漲海中淺而多磁石

南州異物志曰歌營國

南州異物志曰歌營國在句稚南可一月行到其南文灣中有洲名蒲類上有居人皆黑如漆齒正白眼赤男女皆裸形康泰扶南土俗文載西去常望海過則遮船將雜猪山菓易鐵器

南州異物志曰加陳在歌營西南

南州異物志曰師漢國在句稚西從稚去行可十四五日乃到其國亦稱土上有神人及明月珠但仁善不忍殺生

土地平博民有萬餘家

南州異物志曰扈利國

南州異物志曰扈利國在奴調洲西南邊海

南州異物志曰姑奴國

南州異物志曰姑奴去歌營可八千里民人萬餘戶皆乘四轅車駕二馬或四馬四會所集也船舩常有百餘艘市會萬餘人晝夜作市舩皆鳴鼓吹角人民衣被中國

南州異物志曰察牢國

南州異物志曰察牢在安息中間大國也去天竺五千里人民勇健舉國人皆稱王種國無常王國人常選耆老有德者立為王三歲一更舉土地所與天竺同慕其土地不出國遠行

類人

南州異物志曰扶南海隅有人如獸此人在扶南之東綠海邊略如禽獸人無道也身黑若漆齒白如素扶南以外民皆漆齒使黑而此也隨時流移居無常處逐飲食不居屋宅乃隨寒暑素冬則登山食唯魚肉不識禾稼寒無衣服以沙自覆無衣射麋鹿也服若小過寒涼輒以沙時或屯聚猪犬雞豚此人或時權自覆惟以出面目耳并立猪犬共息其中无復分別也雖豕人形無踰六畜

雕題國

異物志曰雕題國畫其面及身刻其肌而青之或若錦衣或若魚鱗

狼臚國

異物志曰狼臚國男無衣服女橫布帷出與漢人交易不以晝市暮夜會俱以鼻鼻金則知好惡

土賦平野其人

異物志曰瓮人齒及目甚鮮白面體異黑若漆皆光澤爲奴婢強勒力

黃頭人

異物志曰黃頭人群相隨行無常居處其類與禽獸同或依大樹以草被其枝上而庇陰其下髮正黃如掃帚見漢人散入草終不可得近

僭耳國

異物志曰僭耳夷生則鏤其頭皮尾相連并鏤其耳匡爲數行與頰相連狀如鷄腹下垂肩上下食諸時諸紡績爲業

貫穿胷身不突穿

異物志曰貫穿人其衣則縫布二幅合兩頭開中央以頭貫穿胷身不突穿

西屠國

太平御覽

卷七百九十一

九

味阿石

異物志曰西屠國在海水以草漆齒用白作黑一涿則歷年不復變一號異齒

交州以南外國傳曰有銅柱表為漢之南極界左右十餘小國悉屬西屠有夷民所在二千餘家

金隣國

異物志曰金隣一名金陳去扶南可二千餘里地出銀人民多好獵大象生得乘騎死則取其牙齒

外國傳曰從扶南西去金陳二千餘里到金陳

波遼國

外國傳曰從西屠南去百餘里到汲遼十餘國皆在海邊

屈都乾國

外國傳曰從波遼國南去乘國可三千里到屈都乾國土地有人民可二千餘家皆曰朱吾縣民叛居其中

波延州

外國傳曰從屈都乾國東去舡行可千餘里到波延洲有民人二百餘家專採金賣與屈都乾國

究原國

外國傳曰究原有獠民出錫鐵雞舌香及赤白五色鸚鵡鳥究原達永昌一歲

奴後國

外國傳曰從林陽西去二千里奴後國可二萬餘戶與永昌接界

炎人國

博物志曰楚之南炎人之國其親戚死刳肉死棄之然後埋其骨乃成孝子

黃孫

博物志曰黃孫天毒君之孫也名貴負躁而好自飲汁父母笑之愧而去居此黃孫國去九嶷二萬一千里

落頭民

博物志曰南方有落頭民其頭能飛其種人常有所祭號曰蟲落故因取名焉以其頭飛因眠便去以耳爲翼將曉還復着體吳時往往得之

鮫人

博物志曰南海水有鮫人水居如魚不廢織績其眼能泣出珠

松外諸蠻

唐書曰松外諸蠻貞觀末爲寇遣兵從西洱河討之其西洱河從嶺州西千五百里其地有數十百部落大者五六百戶小者二三百戶無大君長有數十姓以楊李趙董爲

名家各擅山川不相役屬自云其先木漢人有城郭村邑弓矢鋌言語雖小訛舛大略與中夏同有文字頗解陰陽曆數自伎郎滇池以西皆云莊厲之餘種也其土有稻麥粟豆種穫亦與中夏同而以十二月爲歲首茶則葱韭蒜菁菓則桃李柰有絲麻女工蠶織之事出繩縮絲線布廣七寸以下早蠶以正月生二月熟畜有馬牛豬羊雞犬斂用竹箬搏之而取羹用象杓若鷄彝有船無車男女羶皮爲帔女子絕布爲裙外仍披羶皮之帔頭髻一盤而成形如鬚阻瓜男女皆跣至於死喪哭泣棺槨襲斂無不畢備三年之內穿地爲坎殯於舍側上作小屋三年之外出而葬之蠶封畔棺令其耐濕父母死背斬衰布衣遠者至四五年近者三二年然後即吉其被人殺者喪主以麻結髮而黑其面衣裳不緝唯服內不廢婚妻不避同姓其俗

有盜竊殺人淫穢之事酋長即立一長木為擊鼓警眾共
會其下強盜者眾共殺之若賊家富強但燒其屋宅奪其
田業而已性物雖全其極猶父得玉骨神藥亦不盡其
謂五帝之內家世謀殺其親其妻其子其小孫三平之代
漢成帝時其文骨世謀殺其親其妻其子其小孫三平之代
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十
太平御覽卷第七百九十

太平御覽卷第七百九十一
四夷部十二
南蠻七
西南夷
夜郎
滇
白狼夷
禪國
牂牁
白馬
尾濮
木綿濮
文面濮
析畧濮
赤口濮
黑犍濮
朱提
昆弥國
西爨
東女國
西南夷
梁祚魏國統曰西夷土有異犀三角夜行如大炬火照數
十步或時解脫則藏於深密之處不欲令人見之王者貴
其異以為簪能消除凶逆

太平御覽
卷七百九十一
長練

又曰西南夷有大湖名曰禁水水中存毒氣中有物噴噴
作聲射中木石則破裂中人則死其俗名曰鬼彈聞聲已
至不可得見故也火土音異畢三音奇行成大取火烈
郭義恭廣志曰建寧郡其氣平冬不極寒夏不極暑盛夏
如此五月盛冬如此九月天下之異地海內唯有此按月
令記五氣中之位宜在西南如此豈當土行之方成己之
域乎

夜郎

漢書曰南夷君長以十數夜郎最大漢武帝建元六年太
行王恢擊東粵因兵威使番禺令唐蒙風曉南粵南粵食
蒙蜀枸醬音蒙問所從來曰道西北牂牁江江廣數里
出番禺城下蒙歸至長安問蜀賈人獨蜀出枸醬多持竊
出市夜郎夜郎者臨牂牁江江廣百餘步足以行船南粵

以財物役屬夜郎西至桐師然亦不能臣使也蒙適上書
曰竊聞夜郎所有精兵可得十萬浮船牂牁出不意此制
粵一奇也誠以漢之強巴蜀之饒通夜郎道爲置吏甚易
上許之乃拜蒙中郎將將千人從巴苻關入遂見夜郎侯
多多同具厚賜諭以威德約爲置吏使其子爲令夜郎
旁小邑皆貪漢繒帛以爲漢道險終不能有也乃且聽蒙
約還報乃以爲犍爲郡發巴蜀卒治道自夔道詣牂牁江
蜀人司馬相如亦言西夷邛苻可置郡使相如以中郎將
往諭皆如南夷爲置一都尉十餘縣屬蜀後數歲道不通
士罷餓餒離暑濕死者甚衆西南夷又數反發兵興擊耗
費亡功上患之使公孫弘往視問焉還報言其不便上許
之罷西夷獨置南夷兩縣一都尉稍令犍爲自保就令守
且脩成其夜郎侯始倚南粵南粵反滅還誅反者夜郎遂
郡縣也

入朝上以為夜郎王

又曰昭帝始元中牂柯談指同並等二十四邑凡三萬餘人皆反並音伴談指同並後皆為縣屬漢牂柯郡遣水衡郡都尉發蜀郡犍為

兵擊破之後姑繒葉榆人復反鈞町侯亡波率其人擊之

有功漢立亡波為鈞町王至成帝河平中夜郎王興與鈞

町王禹漏臥侯俞漏臥夷邑名後為縣屬牂柯更舉兵相攻牂柯太守

請發兵誅興等議者以道遠不可擊遣太中大夫張匡持

節和解並不從杜欽說王鳳曰張匡和解蠻夷王侯王侯

不從不憚國威其効可見恐議者選更復守和解選更怯意也選音息充

反更音人亮反太守察動靜有變廼以聞如此則復曠一

時曠音也一時三月言空廢一時不早發兵也王侯得收獵其家申固其謀黨

助衆多各不勝忿必相殄滅自知罪成狂勃守尉言起在勃心而

尉殺守遠藏溫暑毒草之地雖有孫吳將賁育士若入水火

必焦沒智勇俱亡所設施屯田守之費不可勝量宜因其

罪惡未成未疑漢加誅陰勅旁郡守尉練士馬大司農先

調穀積要害處調發也要害者在於我為要選任職太守往

以秋涼時入誅其王侯尤不軌者即以爲不毛之地亡用

之人聖王不以勞中國即猶若也不毛宜罷郡放棄其民

絕其王侯勿復通如以先帝所立累代之功不可隳壞亦

宜因其萌芽早斷絕之及已成形後師興則萬姓被害矣

鳳於是薦陳立為牂柯太守立至牂柯適從吏數十人出

行無何召興將數千人出往立數責因斷興頭出曉其衆

皆釋兵降釋解也興子耶務收餘兵迫脇旁二十邑反立又

擊平之水立餘報牂太守

後漢書曰夜郎者初有女子浣於遼水有三節大竹流入

足間聞其中有號聲剖竹視之得一男子歸而養之及長

有才武自立爲夜郎侯以竹爲姓武帝平南夷夜郎侯迎
降天子賜其王印綬後遂殺之夷獠咸以竹王非血氣所
生甚重之求爲立後牂柯太守吳霸以聞天子乃封其三
子爲侯死配食其父今夜郎縣有竹王神是也
漢書曰南夷君長其西靡莫之屬以十數滇地最大皆椎
髻耕田有邑聚楚威王時使將軍莊躋將兵循江上略巴
黔中以西莊躋至滇池地方三百里旁平地肥饒數千里
以兵威定屬楚欲歸報會秦擊奪楚巴黔中郡道塞不通
因迺以其衆王滇變服從其俗以長之秦時嘗破略通五
尺道漢元狩中天子乃令王然于柏始昌呂越人等十餘
輩開出西南夷指求身毒國至滇滇王當羌乃留爲求道
師古曰當羌滇王名四歲餘皆閉昆明莫能通滇王與漢使言孰與

我大及夜郎侯亦然各自以一州王不知漢廣大使者還
因盛言滇大國足事親附師古曰可專事招來之令其親附也天子注意焉
及南粵已滅乃使王然于以兵威風諭滇王入朝滇王有
衆數萬人其旁東北勞深靡莫皆同姓相杖未肯聽杖猶倚也
相依倚爲援而不聽滇王入朝也勞莫數侵犯使者吏卒元封二年天子
發巴蜀兵擊滅勞深靡莫以兵臨滇滇王始首善以故弗
誅滇王離西夷舉國降請置吏入朝於是益州郡賜
滇王印復長其民西南夷君長以百數獨夜郎滇受王印
滇小邑也最寵焉
後漢書曰滇郡有池周回二百餘里水源深而未更淺狹
有似倒流故謂之滇池河土平敞多出鸚鵡孔雀有鹽池
川漁之饒金銀畜產之富人俗豪俠居官者皆富及累代
及王莽政亂益州羣夷棟蠶若豆等起兵殺郡守越雋姑

復夷人大牟亦皆叛莽遣寧始將軍廉丹發巴蜀吏人卒
徒十萬擊之連年不尅而還以廣漢文齊爲太守羣夷始
得其和及公孫述據益土齊固守拒險聞光武卽位乃開
道遣使自聞蜀平徵爲鎮遠將軍封成義侯於道卒詔爲
起祠堂郡人立廟祠之

又曰建武十八年夷渠帥棟蠶與姑復搆棟揅榆連然滇
池建伶昆明諸種反叛遣武威將軍劉尚發卒擊之尚軍
渡瀘水入益州界群夷皆奔壘奔走向進軍連戰皆破之
追至不韋孫盛蜀譜曰初秦徙呂不韋子弟宗族於蜀漢
武關西南夷置郡尉徙呂氏以充之因置不韋
縣斬獲甚衆諸夷悉平

又章帝元和中蜀郡王阜爲太守政化尤異有神馬四疋
出滇池中

蜀志曰後主建興二年諸葛亮率衆南征所戰皆捷孟獲

者爲夷所服募生致之旣得使觀於營陣之閒問曰此軍
何如獲曰不知虛實故敗定易勝耳亮縱之使更戰七擒
而亮猶遣獲獲止不去曰公天威也南人不復反矣遂至
滇池南中皆平

印

漢書曰自滇以北君長以十數邛都最大皆椎髻耕田有
邑聚

後漢書曰邛都夷者武帝開以爲邛都縣無幾而地陷爲
汗澤因名爲邛池南人以爲邛河其後復反叛元鼎六年
漢兵自越嶲水伐平之以爲越嶲郡其郡土地平原有稻
田俗多遊蕩而喜謳歌略與牂牁相類豪帥放縱難得制
御王莽時郡守枚根枚根太守姓名也調邛人長貴以爲軍侯更
始二年長貴攻殺根自立爲邛穀王至光武因就封之授

越嵩太守印綬後劉尚擊益州夷路由越嵩長貴聞之疑尚既定南邊威法必行已不得自放縱即聚兵招呼諸君長多釀毒酒欲先以勞軍因襲擊尚尚知其謀即分兵先據邛都遂掩長貴誅之徙其家屬於成都

又曰安帝時永昌益州蜀郡夷並今雲南郡也皆叛衆十餘萬破

壞二十餘縣益州刺史張喬乃遣從事楊竦將兵至牂榆破之渠帥三十六種皆來降附竦因奏長吏姦猾侵犯蠻夷者九十人皆滅死論

又曰永平中邛都太守巴郡張翁政化清平得夷人和在郡十七年卒夷人愛慕如喪父母蘇祁縣名二百餘人齋牛

羊送喪至翁本縣起墳祭祀詔書嘉美爲立祠堂後夷人反亂天子以翁有遺愛乃拜其子湍爲太守夷人歡喜皆奉迎道路日郎君儀貌類我府君後湍頗失其心有欲叛

者諸夷耆老相曉語曰當爲先府君故遂得以安

南中八郡志曰邛河縱廣二十里深百餘丈多大魚長一二丈頭特大遙視如載鐵釜狀

李膺益州記曰邛都縣下有一老姥家貧孤獨每食輒有小蛇頭上戴角在床間姥憐飮之後稍長大遂長丈餘令有駿馬蛇遂吸殺之令因大忿恨令姥責出地姥云在床下令即掘地愈大而無所見令遷怒殺姥地乃感人以靈言嗔令何殺我母當爲母報讎此後每夜輒聞若風四十許日百姓相見咸驚語汝頭那忽戴魚是夜方四十里與城一時俱陷爲湖土人謂之爲陷河唯姥宅無恙訖今猶存漁人採捕必依止宿每有浪輒居宅側恬靜無他風靜水清猶見城郭樓櫓粲然嬰音今水淺時土人沒水取得舊木堅貞光黑如漆好事者以爲枕相贈焉

漢書曰自嵩以東北君長以十數葑都最大其俗或土著或移徙

後漢書曰葑都夷者武帝所開以為葑都縣其人被髮左衽言語多好譬類居處略與汶山夷同土出長年神藥仙人山圖所居焉元鼎六年以為沈黎郡至天漢四年并蜀為西部置兩都尉一居旄牛主徼外夷一居青衣主漢人也

嵩

漢書曰桐師以東北至葉榆名為嵩昆明編髮隨畜遷徙無常處無君長地方可數千里

永昌郡傳曰越嵩郡在建寧西北千七百里治江都縣自建寧高山相連至川中平地東西南北八千餘里郡特好

桑蠶宜黍稷麻稻梁

漢書曰自荏以東北君長以十數冉駹最大其俗或着土或移徙

後漢書曰冉駹夷者武帝所開元鼎六年以為汶山郡今蜀郡西北通化郡地也至宣帝地節三年夷人以立郡賦重帝乃省并

蜀郡為北部都尉其山有六夷七羌九氐各有部落其王侯頗知文書而法俗嚴重貴婦人黨母族死則燒其尸土氣多寒雖在盛夏冰猶未釋皆依山居止累石為室高者至十餘丈為甲籠今彼土夷呼為籠又土地剛鹵不生穀粟麻菽唯以麥為資而宜畜牧有旄牛無角一名犛牛肉重千斤毛可為毼犛音冬切出名馬有羴羊羴音靈可療毒又有食藥鹿鹿麕有胎者其腸中糞亦療毒疾又有五角羊麝香

輕毛毳鷄猩猩其人能作旄氊毳蜀青頓髦毳羊綬之屬
青頓毳綬並未詳字書無二字特多雜藥地有鹹土煮以為鹽麇羊牛馬
食之皆肥麇音子其西又有三河槃于虜北有黃石北地
盧水胡其表乃為徼外後靈帝時復分蜀郡北為汶山郡

白馬漢書曰蜀之西冉駹以東北君長以十數白馬最大皆氏
類也

後漢書曰白馬氏者武帝元鼎中分開廣漢西部合以為
武都土地險阻有麻田出名馬牛羊漆蜜氏人勇鷙抵冒
貧貨死利居於河池一名仇池方百頃四面斗絕數為邊
寇郡縣討之則依固自守元封三年氏人反叛遣兵破之
昭帝元鳳中氏人復叛執金吾馬適建姓馬適名建等將三輔
太常徒討破之建武初氏人悉附隴蜀反隗囂滅其酋豪

乃背公孫述降漢馬援上復其王侯君長賜以印綬後囂
族人隗茂反殺武都太守氏人大豪齊鍾留為種類所敬
信威服諸豪與郡丞孔奮擊茂破斬之

後漢書曰永平中益州刺史梁國朱輔好立功名慷慨有
大略在州數歲宣示漢德威懷遠夷自汶山以西前代所
不至正朔所不加白狼槃木唐菽等百餘國戶百三十餘
萬口六百萬以上舉種奉貢稱為臣僕輔上疏曰臣聞詩
云彼徂者岐有夷之行傳曰岐道雖僻而人不遠詩人誦
詠以為符驗今白狼王唐菽等慕化歸義作詩三章路經
邛來山太零高坂峭危峻險百倍岐道緼負老幼若歸慈
母遠夷之語辭意難正草木異種鳥獸殊類有犍為郡掾
田恭與之習狎頗曉其言臣輒令訊其風俗譯其辭語今

太平御覽卷之九十一

遣從事史李陵與恭護送詣關并上其樂詩昔在聖帝舞
四夷之樂今之所上庶備其一帝嘉之事下史官錄其歌
焉東觀記載其歌并載夷人之本語並重至和帝永元十
二年旄牛徼外白狼樓薄蠻夷王唐繒等遂率種人十七
萬口內屬

後漢書曰和帝永元九年禪國

音檀

後漢書曰和帝永元九年禪國王雍由調遣使重譯奉國
珍寶和帝賜金印紫綬安帝永寧初復遣使朝賀獻樂及
幻人能變化吐火自支解易牛馬頭又善跳丸數乃至千
自言我海西人海西即大秦也禪國西南通大秦明年元
會安帝作樂於庭封由調為漢大都尉賜印綬金銀綵繒
各有差

後漢書曰初楚頃襄王時遣將莊豪從沅水伐夜郎軍至

且蘭椽船於岸而步戰既滅夜郎因留王滇池以日蘭有
椽船牂柯處乃改其名為牂柯異物志曰牂柯地多雨
潦俗好巫鬼禁忌寡畜生又無蠶桑故其郡最貧句町縣
有桄榔木可以為麵百姓資之

又曰公孫述牂柯大姓龍傅尹董氏與郡功曹謝暹保境
為漢乃遣使從番禺江奉貢番禺江今光武嘉之並加褒

賞和帝時郡人尹珍自以生於荒裔不知禮義乃從汝南
許慎應奉受經書學成還鄉里教授自是南域始有學焉
永昌郡傳曰牂柯郡在建寧東北千二百里處所險峻率

皆高山而少平地
唐書曰牂柯蠻首領亦姓謝氏其地北去兖州一百五十
里東至辰州二千四百里南至交州一千五百里西至昆

明九百里無城壁敢為部落而居土氣鬱熱多霖雨稻粟
再熟無徭役唯征戰之時乃和屯聚刻木為契其法劫盜
者三倍還賊殺人者出牛馬三十頭乃得贖死以納死家
風俗物產略與東謝同其首領謝龍羽大業末據其地勝
兵數萬人
又曰武德三年牂柯蠻首領謝龍羽遣使朝貢授龍羽牂
州刺史封侯郎郡公貞觀四年復朝貢開元十年大酋長
謝元齊死詔立其嫡孫嘉藝襲其官封二十五年大酋長
趙君道來朝獻方物元和三年五月勅自今已後委黔南
觀察使差本道軍將充押領牂柯昆明等使四年正月遣
使來朝是月遣中使魏德和領其使并賚國信物降璽書
賜其王焉自後朝貢不絕
臨海異物志曰桄榔木生牂柯外皮有毛似柝欄而散生

其木剛作鋤利如鐵中石史利唯中焦根乃致敗耳皮中
有似檇稻米片又似麥麩作餅餌廣志曰桄榔樹大四五
圍長五六丈洪直旁無枝條其顛生葉不過數十似椶葉
破其木肌堅難傷入數寸得麩赤黃密緻可食

周書土會曰卜人丹沙注云西南之蠻丹沙所出按小人
蓋今之濮人也
又曰湯令伊尹為四方獻令伊尹曰臣請正南歐墮五來
柱國指子陸童百濮九箇請今以珠璣瑇瑁象齒犀羣
羽菌鶴短狗為獻
永昌郡傳曰雲南郡在建寧南四十五里治雲南縣亦多
夷濮分布山野千五百人男女大小躡路道側皆持數種
器械助寇鈔為郡邑之害

尾濮

永昌郡傳曰郡西南千五百里徼外有尾濮尾若龜形長三四寸欲坐輒先穿地空以安其尾若邂逅誤折尾便死男女長各隨官野會無有嫁娶猶如識母不復別父俗云貧老相食則此濮也古人所說非日見也扶南土俗傳曰拘利東有蒲羅中人皆有尾長五六寸其俗食人按其地並西南蒲羅蓋尾濮之地名梁祚魏國統曰西南有夷名曰尾濮其地出瑇瑁犀象珠璣金銀葛越桂木人皆蠻夷重譯乃通也

木綿濮

郭義恭廣志曰木綿濮土有木綿樹多葉又房甚繁房中縣如蠶所作其大如捲音拳文面濮

廣志曰文面濮其俗劓面而以青畫之

劓音讒

折腰濮

廣志曰折腰濮其俗生子皆折其腰

赤口濮

廣志曰赤口濮在永昌南其俗折其齒劓其脣使赤又露身無衣服

墨黻濮

廣志曰墨黻濮在永昌西南山居耐勤苦其衣服婦人以一幅布為裙或以貫頭丈夫以穀皮為衣其墳出白蹄牛犀象武魄金銅華布

朱提

永昌郡傳曰朱提郡在犍為南千八百里治朱提縣川中縱廣五十里有大泉池水項名千頃池又有龍池以灌

既種稻與焚道接特多獫狝聚鳴嘯於行人徑次聒人
耳夷分布山谷閒食肉衣皮雖有人形禽獸其心言語服
飾不與華同有堂狼山山多毒草盛夏之月飛鳥過之不
能得去
又曰建寧郡朱提之東南六百里土氣和適盛夏之月熱
不鬱蒸猛冬時寒不慘慄
又曰永昌郡在雲南西七百里郡東北八十里瀘倉津此
津有瘴氣往以三月渡之行者六十人皆悉悶亂毒氣中
物則有聲中樹木枝則折中人則令奄然青爛也
又曰興古郡在建寧南八百里郡領九縣縱經千里皆有
瘴氣蒜穀雞豚魚酒不可食皆食啖病害人郡北三百里
有盤江廣數百步深十餘丈此江有毒瘴九縣之人皆號
曰鳩民言語嗜慾不與人同鳩民或以三尺布角割作兩

檐不復加鍼縷之功也廣頭着前狹頭覆後不蓋其形與
裸身異

昆弥國

唐書曰昆弥國一曰出昆明西南夷也在爨之西洱河爲
界即葉榆河其俗與突厥略同相傳云與匈奴本是兄弟
國也漢武帝得其地入益州部其後復絕諸葛亮定南中
亦所不至武德四年勸州治中吉弘使南寧因平其國論
之至十二月遣使朝貢貞觀十九年四月右武侯將軍梁
建方討蠻降其部落七十二戶九千三百

西爨

唐書曰西爨者南寧之渠帥也自云木河東安邑人也七
世祖仕晉爲南寧太守屬中國亂遂王蠻夷梁元帝時南
寧州刺史徐文盛徵詣荆州有爨瓚者遂據南寧之地延

袤二千餘里俗多華民健駿馬明珠犀象瓚死有二子震
翫分統其衆隋開皇初遣使朝貢文帝遣韋世冲將兵鎮
之析置恭州協州昆州未幾復叛後遣使萬歲擊之所至
皆破踰西洱河臨滇池而還翫懼而來朝文帝誅之諸子
沒為官奴不收其地因與中國絕高祖受禪拜翫子弘達
為昆州刺史令持其父屍歸葬本鄉益州段綸又遣俞大
施至南寧諭其部落悉來歸款自是朝貢不絕

東女國

唐書曰東女國西羌之別種以西海中復有女國故稱東
女焉俗以女為王東與茂州党項接東南與雅州接隔羅
女蠻及白狼夷其境東西九日行南北二十日行有大小
八十餘城王所居名康延川中有弱水南流用牛皮為船
以渡戶四萬衆勝兵萬餘人散在山谷女王號為宿就有

女官曰高霸平議國事在外官僚並男夫為之其王侍女
數百人五日一聽政令王若死國中多斂金錢動至數萬
更於王族求令女二人而立之大者為王其次為小王若
大王死即小王嗣立或姑死而婦繼無有篡奪其所居皆
起重層屋王至九層國人至六層其土服青毛綾裙下領
衫上披青袍其袖委地冬則羔裘飾以紋錦為小鬟髻飾
之以金耳垂璫足履索鞵俗重婦人而輕丈夫文字同於
天竺以十一月為正

王將葬其大臣親屬殉死者數十人隋大業中蜀王秀遣使招之拒而不受武德中女王湯傍氏始遣使貢方物高祖厚資遣之
又曰垂拱二年東女國王歛臂遣大臣湯劍石來朝仍請官號則天冊拜歛臂爲左玉鈐衛將軍仍以瑞錦製番服以賜之天授三年其王俄琰兒來朝開元二十九年十二月其王趙曳夫遣子獻方物命有司宴于曲江令宰臣已下同宴又封曳夫爲歸昌王賜其子帛放遷復以男子爲王貞元九年七月其王湯立悉與哥隣國王董卧庭白狗國王羅隋忽逋租國王弟鄧吉知南水國蘇唐磨咄霸國王董藐蓬各率其種落詣劍南西川內附其哥隣等國皆散居山川弱水王卽國初女國之弱水部落其悉董國在弱水西故亦謂之弱水西悉董王舊比皆分隸邊郡祖父例授

將軍中郎果毅等官自中原多故皆爲吐番所役屬其部大者不過三二千戶各置縣令十數人理之土有絲絮歲輸於吐蕃至是悉與之同盟相率獻款兼貢天寶中國家所賜官告共三十九通以進西川節度使韋臯處其衆於維霸保等州給以種糧耕牛咸樂生業立悉等數國王自來朝召見於麟德殿授官賞各有差

太平御覽卷第七百九十一終

太平御覽卷第七百九十二
四夷部十三
西戎一
摠序西戎
媯羌
鄯善
龜茲
大秦
于闐
天竺

太平御覽卷第七百九十二

四夷部十三

西戎一

摠序西戎

媯羌

鄯善

龜茲

大秦

于闐

天竺

摠序西戎

易曰高宗伐鬼方三年克之

書曰西戎即敘

詩曰在其板屋亂我心曲

又曰自彼氐羌莫敢不來王

爾雅曰西至於邠國

又曰西至日所入為太蒙

太平御覽

卷七百九十二

四夷部十三

禮曰西方曰戎被髮衣皮有不粒食者矣
傳曰辛有適伊川見被髮而祭於野曰不及百年此其戎
乎其禮先亡矣

又曰秦晉遷陸渾之戎於伊川

漢書曰西域以孝武時始通本三十六國其後稍分至五
十餘皆在匈奴之西烏孫之南南北有大山中央有河東
西六千餘里南北千餘里東則接漢限以玉門陽關西則
限以葱嶺

又曰漢武帝征和中貳師將軍李廣利以軍降匈奴帝既

悔於征伐而搜粟都尉桑弘羊與丞相御史奏言故輪臺

以東捷枝渠梨皆故國也輪臺渠梨地名今在交河北庭界廣饒水草有

溉田五千頃以上處溫和田美可益通溝渠種五穀與中

國同時熟田一歲有積穀募人壯健有累重敢徙者詣田

所累重謂妻就畜積為本業墾溉田稍築列亭連城西以

帝深陳既往之悔乃下詔曰前有司奏欲益人賦三十助

邊用錢每口取三十是重困老弱孤獨也由是不復出軍而封丞

相車千秋為富民侯以明休息思富養人也

後漢書曰西羌之本出自三苗蓋羌姓之別其國近南嶽

及舜流四凶徙之三危河關之西南羌地是也濱於賜支

至於河首綿地千里賜支者禹貢所謂析支者也南接蜀

漢所居無常依隨水草地少五穀以產牧為業其俗人民

氏族無定或以父名母姓為種號三二世後相與婚姻父

沒則妻後母兄亡則納發嫂寡嫂故國無鰥寡種類繁熾

不立君臣無相長一強則分種為角酋豪弱則為附落更

相抄暴以力為雄殺人償死無他禁令其兵長在山谷短

於平地不能持久而果於觸突以戰死為吉利病終為不

祥甚耐寒苦同之禽獸雖婦人產子亦不避風雪性堅固
勇猛得西方金行之氣焉王政修則賓服德教失則寇亂
又曰昔夏后氏太康失國四夷背叛及后相即位乃征猷
夷七年然後來賓
又曰武乙暴虐犬戎寇邊周古公踰梁山而遊于岐下及
于季歷遂伐西落鬼戎
又曰文王爲西伯西有昆夷之患北有獫狁之難遂攘戎
狄西戎之國莫不賓服
又曰穆王時戎狄不貢王乃西征犬戎獲其五王又得四
白鹿四白狼王遂遷戎于太原
又曰平王之末白隴山以東及乎伊洛往往有戎於是渭
有狄獯獯音邽邽音之戎涇北有義渠之戎洛川有大荔之
戎渭南有驪戎伊洛間有楊拒泉臯之戎潁川以西有蠻

氏之戎

又曰晉文公欲修霸業乃賂戎狄通道以扶王室秦穆公
得戎人由余遂霸西戎開地千里
又曰陸渾之戎叛晉晉令荀吳滅之楚執蠻氏而盡囚其
民
又曰周貞王八年秦厲公滅大荔取其地趙亦滅代戎代
戎卽北戎也韓魏復共稍并伊洛陰戎滅之其遺脫者皆
逃奔西踰汧隴自是中國無戎寇
後漢書曰武帝時西域內屬有三十六國漢爲置使者校
尉領護之宣帝改曰都護元帝又置戍已校尉屯田於車
師漢官儀曰戍已中哀平間自相分割爲五十五國
又曰建武中西羌皆遣使求內屬願請都護世祖以天下
初定未遑外事訖不許之

又曰明帝命將北征匈奴收伊吾廬地置宜禾都尉以屯田遂通西域于闐諸國皆遣子入侍
又曰建初元年春酒泉太守段彭大破車師於交河城章帝不欲疲弊中國以事夷狄乃迎還戊己校尉不復遣都護二年復罷屯田
又曰和帝永元三年班超遂定西域因以超為都護治龜茲復置戊己校尉領兵五千人治車師
又曰六年班超復擊破焉耆於是五十餘國悉納質內屬其條支安息諸國至于海濱四萬里外皆重譯貢獻
又曰九年班超擄甘英窮臨西海而還皆前世所不至山經所未詳莫不備其風土傳其珍怪焉於是遠國蒙奇兜勒皆來歸服
班固西戎論曰孝武之代圖制匈奴患其兼從西國結黨

南羌從音子容反乃表河西列四郡開玉門通西域以斷匈奴右臂隔絕南羌月氏單于失援由是遠遁而幕南無王庭因文景玄默養人天下豐富財力有餘士馬彊盛故能睹犀布瑇瑁則建朱崖七郡感蒟音醬竹杖則開牂柯越巂聞天馬蒲陶則通大宛安息自是之後萬里相奉師旅之費不可勝計至於用度不足乃權酒酤筦鹽鐵鑄白金皮弊筭至車船租及六畜人力屈財用竭加以凶年羣盜並起是以末年遂奔輪臺之地而下哀痛之詔豈非仁聖之所悔哉且西域近有龍堆遠則葱嶺身熱頭痛懸度之阨淮南杜欽楊雄之論皆以為此天地所以界別區域絕外內也書云西戎即序禹就而序之非止威服致其貢物也魏徵西戎論曰自古開遠夷通絕域必因宏放之主皆起好事之臣張騫鑿空於前班超投筆於後或結之重寶

或攝之利劍投軀萬死之地以立一朝之功皆由主尚來
遠之名臣徇輕生之節是知上之所好下必有甚焉者也
煬帝規摹宏侈掩吞漢外裴矩方進西域圖記以蕩其心
故萬乘親出玉門關置伊吾且末郡而關右暨於流沙騷
然無聊生矣古哲王之制方五千里務安諸夏不事要荒
豈威不能加德不能被蓋不以四夷勞中國不以無用害
有用也是以秦成五嶺漢事三邊或道殣相繼或戶口減
半隋室恃其強盛亦狼狽於青海此皆一人失其道故億
兆罹其毒也

牯羌 牯音而

說文曰羌西牯羌戎牧羊人從人牧羊

漢書曰出陽關自近者始曰牯羌國王號去胡來玉師古
去離胡戎關千八百里去長安六千三百里西接且末隨

畜逐水草不田作仰鄯善且末穀山有鐵自作兵有弓矛
服刀劍劉德曰服刀拍髀也師古

鄯善

漢書曰鄯善國本名樓蘭王治杆泥城杆音輔國侯却胡

侯鄯善都尉擊車師都尉左右且渠擊車師君各一人譯

長二人

又曰鄯善地沙鹵少田寄田仰穀旁國國出玉多葭葦櫻

柳胡桐白草孟康曰白草草之白者也胡桐似桑而多曲

民隨畜牧逐水草有驢馬多橐佗師古曰佗

又曰武帝遣從票侯趙破奴將屬國騎及郡兵數萬擊車

師虜樓蘭王破如師於是漢列亭鄯至玉門矣

又曰樓蘭國最在東垂近漢當白龍堆乏水草常主發導

負水擔糧送迎漢使

又曰元鳳四年大將軍霍光白遣平樂監傳介子往刺其
 王介子輕將勇敢士齎金幣揚言以賜外國為名既至樓
 蘭詐其王欲賜之王喜與介子飲醉將其王屏語壯士二
 人從後刺殺之貴人左右皆散走介子告諭以王負漢罪
 天子遣我誅王當更立王弟尉屠者在漢者漢兵方至母
 敢動自令滅國矣介子遂斬王嘗歸首嘗歸者其王名也馳傳詣
 闕懸首北闕下封介子為義陽侯乃立尉屠耆為王更名
 其國為鄯善為刻印章賜以宮女為夫人備車騎輜重丞
 相將軍百官送至橫門外橫音光祖而遣之
 北史曰鄯善城方一里地多沙鹵少水草北即白龍堆路
 後魏孝文太和四年遣其弟素延者人侍

于闐

漢書曰于闐國王治西域去長安九千六百七十里于闐

之西水皆西流注海其東注澤河源出焉多玉石玉石玉之璞也

後漢書曰于闐去洛陽萬一千七百里建武末莎車王賢
 強盛攻并于闐徙其王俞林為驪歸王明帝永平中于闐
 將休莫霸反莎車自立為于闐王休莫霸死兄子廣德立
 後遂滅莎車其國轉盛

北史曰于闐國在葱嶺之北二百餘里所都城方八九里
 城東三十里有首拔河中出玉石土宜五穀并桑麻山多
 美玉有好馬馳騾其刑法殺人者死也

又曰于闐俗重佛法寺塔僧尼甚眾王尤信尚每設齋日
 必親自灑掃饋食焉城南五十里有贊摩寺即昔羅漢比
 丘盧旃為其王造覆瓮浮圖之所石上有辟支佛跣處雙
 跡猶存西有比摩寺云是老子化胡成佛之所

又曰于闐城東二十里有大水北流號樹枝水即黃河也

又曰後魏獻文帝末蠕蠕寇于闐于闐患之遣使素日伽止
 表求救帝詔以遐阻不行
 又曰後周武帝建德三年其王遣使獻名馬隋大業中頌
 遣朝貢其王姓玉字早示門練錦帽金鼠冠妻戴金花其
 王髮不令人見俗言若見王髮其年必儉
 梁書曰武帝天監十三年王遣使獻婆羅婆步鄣十八年
 又獻瑠璃鬘
 唐書曰其國出美玉王姓尉遲名屋密貞觀六年遣使獻
 玉帶太宗優詔答之
 後漢書曰大秦國一名黎鞬在海西地方數千里以石爲
 城郭列置郵亭墜之
 又曰民俗力田蠶桑皆髡頭而衣文繡乘輜駟白蓋小車

出入擊鼓建旌旗幡幟

又曰王宮室皆以水精爲柱食器亦然

又曰其人民皆長大平正有類中國故謂之大秦國多金

銀奇寶有夜光璧明月珠駭雞犀珊瑚虎魄琉璃玳玳織

成金縷蜀雜色綾作黃金塗火浣布

又曰合會諸香煎其汁以爲蘇合以金銀爲錢銀錢十當

金錢一

又曰相帝延熹九年大秦王安敦遣使自日南徼外獻象

牙犀角瑇瑁始一通焉

又曰其國無盜賊而道多猛獸師子遮害行旅不百餘人

齎兵器輒爲所食又有飛橋數百里可渡海

魏略曰其國中山出九色次玉石一日青二日赤三日黃

四日白五日黑六日綠七日紫八日紅九日紺多神龜朱

蟻馬玄熊赤白黑黃青綠紺縹紅紫十種瑠璃

通典曰國之西南漲海中可七八百里行到珊瑚淵水底有盤石珊瑚生其上大秦人常乘大船載鐵網令水工先沒入視之可下網乃下初生白而漸漸似菌生茅中歷歲許出網且間變作黃色枝條交錯高極三四尺大者圍尺餘三年色乃赤好後沒視之知可採便以鐵鈔發其根乃以索繫網使人於船上絞車舉去還國園理載恣意所作若失時不舉便盡敗

龜茲 龜音丘 茲音茨

北史曰龜茲國在尉犁西北白山之南一百七十里王姓白即後京呂光所立白震之後其王頭繫綵帶垂之於後坐金師子床

又日出細氈饒銅鐵鈔麋皮毼毼沙鹽綠雌黃胡粉安息

香等

又曰其國北大山中有如膏者流出成川行數里入地狀如醜醜服之髮齒已落者能令更生癩人服之皆愈

唐書曰龜茲有城郭男女皆剪髮垂與項齊唯王不剪髮以錦蒙頂着錦袍金寶帶坐金師子床有良馬封牛饒蒲萄酒

又曰貞觀四年遣使來獻馬太宗賜以璽書撫慰甚厚自此朝貢不絕

又曰貞觀二十年太宗遣左驍衛大將軍阿史那杜尔安西都護郭孝恪率五將軍發鐵勒十三部兵以伐龜茲禽王及大將羯獵顛等并破其大城五所虜男女數萬口勒石紀功而旋俘其王訶黎布失畢及那利羯獵顛等獻於社廟尋以訶黎布失畢為左武翊衛中郎將那利以下授

官各有差

又曰先是太宗既破龜茲移置安西都護府於其國城以郭孝恪爲都護兼統于闐疎勒碎葉謂之四鎮高宗嗣位不欲廣地勞人復命有司奔龜茲等四鎮移安西依舊西州

又曰長壽元年武威軍總管王孝傑阿史那忠節大破吐蕃克復龜茲于闐等四鎮自此復於龜茲置安西都護府用漢兵三萬人以鎮之則天時有田楊名中宗時有郭元振開元初則張孝嵩杜暹等爲安西都護皆有政績爲夷人所伏

天竺

後漢書曰天竺國一名身毒在月氏東南數千里卑濕暑熱其國臨大水乘象而戰脩浮圖道不殺伐遂以成俗出

象犀璫瑁金銀諸香石蜜黑鹽等物對天竺其四天竺又曰明帝夢見金人長大項有光明以問羣臣或曰西方有神名曰佛其形長丈六尺而黃金色帝於是遣使天竺問佛道法遂行於中國圖畫形象焉

南史曰梁天監初王來貢獻上有螺髻於頂餘剪之穿耳垂璫俗多徒跣衣重白色有文字或善天文筭曆之術其人皆學悉曇章書於貝多葉樹之人

北史曰天竺國去代三萬一千五百里有伏醜城周匝十里城中出摩尼珠珊瑚城東三百里有拔賴城城中出黃金白真檀赤檀石蜜

唐書曰中天竺其都城周回七十餘里北臨禪連河云昔有婆羅門領徒千人肄業於樹下樹神降之遂爲夫婦宮室自然而立僮僕甚盛於是使役百神築城以統之經自

而就此後有阿育王頗行苛政置炮烙之刑謂之地獄今城中見有迹焉下人又曰武德中其國大亂其嗣王尸羅逸多練兵聚衆所向無敵象不解鞍人不釋甲居六載而四天竺之君皆北面以臣之威勢遠振政刑甚肅貞觀十五年尸羅逸多自稱摩伽陀王遣使朝貢太宗降璽書慰問尸羅逸多大驚問諸國人曰自古曾有摩訶震且使人至吾國乎皆曰未之有也乃膜拜而受詔書因遣使朝貢太宗以其地遠禮之甚厚復遣衛尉丞李義表報使尸羅逸多遣大臣郊迎傾都邑以縱觀焚香夾道逸多率其臣下東面拜受勅書復遣使獻大珠及鬱金香菩提樹黃金又曰貞觀十年沙門玄奘至其國將梵本經論六百餘部而歸先是遣右率府長史王玄策往使天竺其四天竺王

咸遣使朝貢會中天竺王尸羅逸多死國中大亂其弟阿羅那順篡立乃盡發胡兵以拒玄策玄策戰不敵乃拔身宵遁走至吐蕃發精銳一千二百人并涅槃婆羅國七千餘騎以從玄策與副使蔣師仁率二國兵進至中天竺國城連戰三日大破之斬首三千餘級赴水溺死者且萬人阿羅那順奔城而遁師仁進兵擒獲之虜男女萬二千人牛馬三萬餘頭足於是天竺震懼俘阿羅那順以歸二十二年至京師太宗大悅命有司告宗廟因謂群臣曰夫人耳目玩於聲色口鼻耽於臭味此乃敗德之源若婆羅門不劫掠我使人豈爲俘虜邪昔中山以貪寶取弊蜀侯以金牛致滅莫不由之拜玄策朝散大夫是時就其國得方士那羅邇婆寐自言壽二百歲云有長生之術太宗深加禮待館之於金鷄門內造延年之藥令兵部尚書崔敦禮監

主之發使天下採諸奇藥藥成音服不效後放還本國
又曰開元八年南天竺國遣使獻五色能言鸚鵡
異物志曰天竺大國也方三萬里佛道所在其國王治城
郭宮殿皆彫文刻鏤鐘鼓音樂跳丸躍劍
通典曰後魏宣武時南天竺國遣使獻駿馬云其國出師
子獐獐胡有火齊如雲母而色紫列之則薄如蟬翼積之
則如紗縠之重杳有金剛似紫石英百鍊不銷可以攻玉

太平御覽卷第七百九十二

西戎二

太平御覽卷第七百九十三

西戎二

大宛 大月氏 安息 罽賓 大夏 米國 鄧至 烏菴 烏郗曷 渴槃陁 鉢和 大夏 米國 鄧至 安息 乙弗獻 伏盧尼 石國 鑠汗 色知顯 伽色尼 白蘭 乾陁 史國 師子 穆國 奄蔡 何國 嚙噠

漢書曰罽賓國王治脩鮮城去長安萬二千二百里地平

太平御覽 卷之九十三 四種七
溫和有目替雜草花木檀欒梓竹漆種五穀蒲陶有金銀
銅錫以金銀為錢文為騎馬幕為人而師古曰幕出封牛
水牛象大狗沐猴孔爵珠璣珊瑚琥珀璧琉璃白武帝始
通

唐書曰貞觀十六年蜀賓國遣使獻褥特鼠啄尖而尾赤
能食蛇有被蛇螫者鼠輒嗅而尿之其瘡即愈

條支

漢書曰條支國臨西海暑濕田宜稻有大鳥卵如甕
後漢書曰條支國城在山上周迴四十餘里臨西海水曲
環其南及東北三面路絕唯西北隅通陸出師子犀牛

安息

漢書曰安息國王治番兜城去長安萬一千六百里風氣
物類與蜀賓同亦以銀為錢文獨為王而幕為大人面王

死輒更鑄錢有大馬大爵其屬小大數百城方數千里最

大國邑臨媯水商賈車舩行旁國畫革旁行為書記師古

西方胡國書皆橫行不直下也武帝始遣使至安息王令將將二萬騎迎

於東界東界至王都數千里行北過數十城民人相屬因

發使隨漢使者來觀漢地以大鳥及卵來獻天子大悅

後漢書曰章帝章和元年安息王遣使獻師子符拔符拔

形似麟無角也

北史曰周武天和二年其王遣使朝獻

大月氏

漢書曰大月氏國治監氏城去長安萬一千六百里物類

民俗與安息同出一封橐馳師古曰脊上控弦十餘萬故

強輕匈奴師古曰恃其強盛至冒頓單于攻破月氏以其

王頭為飲器月氏乃遠去過大宛西擊大夏而臣之

北史曰大月氏北與蠕蠕接數為所侵遂西徙都薄羅城其王寄多羅勇武遂興師越太山南侵北天竺自乾陁羅以北五國盡屬之後魏太武時其國人商販京師自云能鑄石為五色瑠璃於是採礦山中於京師鑄之既成光澤美於西方來者乃詔為殿容百人光色映徹自此中國瑠璃遂賤

大宛

漢書曰大宛國王治貴山城去長安萬二千五百五十里以蒲萄為酒富人藏酒至萬餘石久者至數十歲不敗俗嗜酒馬嗜苜蓿宛別邑七十餘城多善馬馬汗血言其先天馬子也

孟康曰言大宛國有高山其上有馬不可得因取五色母馬置其下與集生駒皆汗血因號曰

天馬張騫始為武帝言之止遣使持金馬以請宛王不肯於是天子遣貳師將軍李廣利將兵伐宛連四年宛人斬其王毋寡首獻馬三千匹漢軍乃還

又曰宛上蟬封與漢約歲獻天馬二疋漢使采蒲陶苜蓿種歸天子以天馬多益種蒲陶苜蓿離宮館旁極望焉上異物志云大宛馬有肉角數寸或有解人語及知音舞與鼓節相應

西域圖記曰其烏馬驢馬多白耳白馬驄馬多赤耳黃馬赤馬多黑耳

漢書曰踈勒國王治踈勒城去長安九千三百五十里後漢書曰耿恭為戍已校尉引眾人踈勒城城中乏水穿井十五丈不得水恭整衣服向井拜飛泉湧出賊遂退之

後魏書曰踈勒國高宗末其王遣使送釋迦佛袈裟長二丈餘廣丈餘高宗以審是佛衣應有靈異遂燒之以驗虛實置於猛火之上經日不燃觀者莫不悚駭後每使朝貢隋書曰踈勒國都白山南百餘里其王字阿彌厥手足背六指產子非六指者不育王戴金師子多稻粟麻麥銅鐵銀雌黃隋書曰其風唐書曰踈勒國王姓裴俗事祆呼近切神有胡書文字貞觀九年遣使獻名馬隋書曰其風又曰開元十六年玄宗遣使冊立其王裴安定為踈勒王隋書曰康國者康居之後也遷徙無常不恒故地然自漢以來相承不絕其本姓温月氏人也舊居祁連山北昭武城因被匈奴所破西踰葱嶺遂有其國支庶各分王故康

國左右諸國並以昭武為姓示不忘本也王字代失畢為人寬厚甚得衆心其妻突厥達可汗女也都於薩寶水上阿祿連城城多衆居大臣三人共掌國事其王素髮冠七寶金花衣綾羅錦繡白疊其妻有髻幪以帛巾丈夫剪髮錦袍名為強國而西域諸國多歸之又曰有胡律置於祆祠決罰則取而斷之重罪者族次重者死賊盜截足人皆深目高鼻多鬚髯善於商賈諸夷交易多湊其國有大小鼓琵琶五絃篪篥笛婚姻喪制與突厥同國立祖廟以六月祭之諸國皆來助祭俗奉佛為胡書氣候温宜五穀勤修園蔬樹木滋茂出馬駝驢騾封牛黃金礪砂甘香阿薩那香瑟瑟麋皮毳毼錦疊多蒲桃酒富家或致千石連年不敗大業中始遣使貢方物後遂絕焉

唐書曰康居人多嗜酒好歌舞於道路生子必以石蜜內口中以膠置掌內欲其成長口嘗甘言掌持錢如膠之粘物
又曰以十二月爲歲首有婆羅門爲之占星候氣以定吉凶頗有佛法至十一月鼓舞乞寒以水相潑盛爲戲樂
又曰貞觀九年遣使貢師子太宗嘉其遠至命祕書監虞世南爲之賦自此朝貢至十一年又獻金桃銀桃詔令植之於苑園
又曰萬歲通天年中則天封其大首領篤婆鈴提爲康國王仍拜左驍衛將軍
又曰開元六年遣使貢獻鑱子甲水精盃馬腦鏘鳥卵之類

北史曰副貨國去代一萬七千里東至阿富汗使且國西至沒誰國中開相去一千里南有連山不知名北至奇沙國相去一千五百里國中有副貨城周匝七十里宜五穀蒲桃唯有馬駝驪國王有黃金殿殿下有金駝七頭各高三尺其王遣使朝貢

隋書曰安國漢時安息國也王姓昭武氏與康國王同族字設力登妻康國王女也都在那密水南城有五里環以流水宮殿皆爲平頭王坐金駝座高七八尺每聽政與妻相對大臣三人評理國事風俗同於康國唯妻子姊妹及母子遞相禽獸此爲異也煬帝卽位之後遣司隸從事杜行滿使於西域至其國得五色鹽而返國之西百餘里有畢國可千餘家其國無君長安國統之大業五年遣使貢

獻後遂絕焉

鳥菴

北使曰烏菴國在餘彌南北有葱嶺南至天竺婆羅門胡
為其土族婆羅門多解天文吉凶之數其土動則訪決焉
土多林菓引水灌田豐稻麥事佛多諸寺塔寺極華麗人
有爭訴服之以藥曲者發狂直者無恙為法不殺犯死罪
唯徙於靈山西南有檀特山山上立寺以驢數頭運食山
下無人控御自知往來

隋書曰烏那曷國都烏許水西舊安息之地王姓昭武亦

康國種類字佛食都城方二里勝兵數百人王坐金羊座
牀北去安國四百里西北去穆國二百餘里東去瓜州七
千五百里大業中遣使貢方物

北史曰渴槃陁國在葱嶺東朱駒波西河經其國東北流

行高山夏積霜雪亦事佛道附於嚙噠
通典曰渴槃陁後魏時通焉亦名漢陁國亦名渴槃羅陁

國理葱嶺中在朱俱波國西西至護密國北至疏勒國其
王本疏勒人累代相承居此國有戶二千餘有懸度山在
國南四百里懸度者名山也谿谷不通以繩索相引而度
其間四百里中往往有棧道因以為名今按懸度葱嶺邐
迤相屬郵置所絕道阻且長故行人由之莫能分別然法
明宋雲所經即懸度山也又有頭痛山在國西南向蜀賓
歷大頭痛小頭痛之山赤土身熱之坂
宋膺異物志曰大頭痛小頭痛山皆渠搜之東疏勒之西
經之者身熱頭痛夏不可行行則至死唯冬可行尚嘔吐

山有毒藥氣之所為冬乃枯歇故可行也
北史曰鉢和國在渴槃陁西其土尤寒人畜同居穴地而
處又有大雪山望若銀峰其人唯食餅麩飲麥酒服氈裘
有三道一西行向嚙嚙一西行向嚙嚙一西行向嚙嚙
屬南
大夏
史記曰大夏在大宛西南二千餘里媯水南其俗土著有
城屋與大宛同俗無大君長往往城邑寡小其兵弱畏戰
善賈及大月氏西徙皆臣畜大夏大夏民多可百餘萬其
都曰藍市城有市販賣諸物東南有身毒國張騫曰臣在
大夏時見筇竹杖蜀布問曰安得此大夏國人曰吾賈人
往市之身毒身毒國在大夏東南可數千里

米國

隋書曰米國都鄒蜜水西舊康居之地也無王其城主姓
昭武康國王之支庶字閉拙都城方二百里勝兵數百人
西北去康居百里大業中頻貢方物

鄧至

通典曰鄧至羌之別種也後魏時興焉有像舒者代為白
水酋帥因地名為號稱鄧至王其地自千亭以東平武以
西汶嶺以北宕昌以南風土習俗與宕昌同自舒理至十
代孫舒彭附後魏孝文帝封甘松縣子鄧為王至西魏恭
帝初其主檐術因亂來奔周文帝遣兵送還自後無聞

安息

北史曰安息國在葱嶺之西都蔚搜城西與波斯相接東
去長安一萬七百里周武天和二年其王遣使來獻

乙弗獻

通典曰乙弗獻後魏時聞焉在吐谷渾國有屈海周迴千餘里衆有萬落風俗與吐谷渾同然不識五穀唯食魚與蘇子狀若中國苟杞子或赤或黑西有契翰一部風俗亦同土特多狼

伏盧尼

北史曰伏盧尼都伏盧尼城在波斯國北去代二萬七千三百二十里累石爲城東有大河南流中有鳥其形似人亦有如橐駝鳥者皆有異常居水中出水便死城北有云尼山出銀珊瑚琥珀多師子

石國

隋書曰石國居藥殺水都城方十餘里其王姓石名涅國城之東南立屋置座於中正月六日七月十五日以王交

母燒餘之骨金甕盛之置于牀上巡遶而行散以花香雜菓王率臣下設祭焉禮終王與夫人出就別帳臣下以次列坐享宴而罷有粟麥多良馬其俗善戰曾貳於突厥射匱可汗與兵滅之令特勒甸職攝其國事大業五年遣使朝貢其後不復至

岩昌

通典曰岩昌羌後魏時興焉亦三苗之嗣與先零燒當罕开詠部姓別自立帥皆有地分不相統攝岩昌即其一也俗皆土著居有棟宇其屋織氍毹及殺羊毛覆之無法令徭賦唯征伐之時乃相屯聚不然則各事生業不相來往皆衣裘褐牧養羴牛羊豕以供其食俗有蒸報無文字但取木榮落以記歲時三年一相聚殺牛羊以祭天俗重虎皮以之送死有梁勤者代爲酋帥得羌豪心乃自稱王其

界自仇池以西千里席水以南北八百里地多山阜部眾
二萬餘落至其孫弥忽如遣使於後魏太武帝拜為宕昌
王七葉孫弥秦皆授南北兩朝封爵後見爾魏分隔永熙
末種人企定乃引吐谷渾寇金城後企定寇源開成後周
武帝天和中詔大將軍田恒討平之以其地為宕州
天潢精拔風鏖汗
隋書曰鏖汗國都葱嶺之西五百餘里古渠搜國也王姓
昭武守阿漆都城方四里勝兵數千人王坐金羊床妻戴
金花俗多朱沙金鐵東去踈勒千里大業中遣使朝貢方
北史曰色知顯國都色知顯城在悉萬斤西北去代一萬
二千九百四十里土平多五菓夫大山嶺

北史曰伽色尼國都伽色尼城在悉萬斤南去代一萬三
千五百里土出鹽多五菓
通典曰白蘭羌之別種後周時與焉東北接吐谷渾風俗
物產與宕昌同周武帝保定元年朝獻使至
北史曰乾陁國在烏菴西本名業波為嚙嚙所破因改焉
好征戰與蜀賓鬪三年不能入怨苦之有鬪象七百頭十
人乘象背執兵仗象鼻縛刃以戰所都城東南七里
佛塔高七十丈周三百步即所謂雀離佛圖也

史國

隋書曰史國都獨莫水南十里舊康居之地也其王姓昭
武字述遮亦康國王之支庶也都城方二里勝兵千餘俗

同康國北去康國二百四十里南去吐火羅五百里大業
中遣使朝貢

師子

通典曰師子國東晉時通焉天竺旁國也西海之中延袤
二千餘里多附奇寶其地種適無冬夏之異五穀隨人所
種不須時節其國舊無人止有鬼神有龍居之諸國商估
來其市易鬼不見其形但出珍寶明其所堪價商人依價
取之諸國人聞其土樂因此競至或有停住者遂成大國
能馴養師子遂以爲名風俗與婆羅門同而尤事佛法安
帝義熙初遣使獻玉佛像像高四尺二寸玉色潔潤形制
殊特殆非人功歷晉宋代在建康瓦官寺
又曰宋文帝元嘉五年其王剗利摩訶南遣使貢獻梁武
帝大通元年後王迦羅訶黎耶亦使使貢獻

穆國

北史曰穆國都烏泝河之西亦安息之故地與烏郿曷爲
隣其王姓昭武亦康國王之種類也字阿濫密都城方三
里勝兵二千人東北去安國五百里西去波斯國四千餘
里大業中遣使貢方物

奄蔡

通典曰奄蔡漢時通焉西接大秦東南二千里與康居接
去陽關八千餘里控弦十餘萬與康居同俗而役屬康居
土氣溫和臨大澤無涯岸多植松白草及貂畜牧逐水草
蓋近北海至漢改名阿蘭那國後魏時白粟特國一名温
那沙

何國

北史曰何國都那密水南數里舊是康居地也其王姓昭

武亦康國王之族類都城方二里勝兵者千人其王坐金羊座東去曹國百五十里西去小安國三百里東去瓜州六千七百五十里大業中遣使貢方物

嚙噠

北史曰嚙噠國大月氏之種類也亦高車之別種其原出於塞北自金山而南在於闐之西都烏許水南二百餘里去長安一萬一百里其王都拔底延城蓋王舍城也其城方十里餘多寺塔皆飾以金寶風俗與突厥略同兄弟共一妻無兄弟者妻戴一角帽若有兄弟者依其多少之數更加帽焉衣服類胡加以纓絡頭皆剪髮其語與蠕蠕高車及諸胡不同衆可有十萬無城邑依隨水草以氍爲屋夏遷涼土冬逐暖處其王分其諸處妻各在別所相去或一二里巡歷而行每月一處冬寒之時三月不徙王位不

必傳子子弟堪者死便受之其國無車輿多馳馬用刑嚴急偷盜無多少皆腰斬盜一責十死者富家累石爲藏貧者掘地而埋隨身諸物皆置冢內人凶悍能鬪戰西域唐居于闐安息及諸小國三十許皆役屬之居號爲大國又曰後魏明帝熙平中遣宋雲沙門法力等使西域訪求佛經時有沙門慧生者亦與俱行正光中還慧生所經諸國不能知其本末及山川里數蓋舉其略云

太平御覽卷第七百九十三

太平時世終於子百兵十三

國本而收其本末矣由凡里鐵龍其和元
 備錄其自也則歸車者亦與身計其武中
 文則時時即命歸車中畫宋實對門其
 則不獨文是夫前中圖三志者皆對歸之
 義耳而此則其高時對置其內人則其
 意宜益其志也其理神益一背中後亦
 必將十年以歸其五與文之其則無車
 其則無車其則無車其則無車其則無車

